

Pigisanit pissarsiat nammineerluni nalunaarutigineqarnissaannut aamma pigisanit pissarsiat akileraarutaannik (KAS) akiliinissamut ilitsersuut.

Pigisanit pissarsiat ilaasa akileraaruserneqartarnerat pillugu inatsit Inatsisartut 1. januar 2018-imi atuutilersippaat.

Tamanna pivoq Pigisanit pissarsiat ilaasa akileraaruserneqartarnerat pillugu Inatsisartut inatsisaatigut nr. 37, 23. november 2017-imeersukkut, Inatsisartut inatsisaatigut nr. 25, 28. november 2018 aammalu Inatsisartut inatsisaatigut nr. 13, 19. november 2020-imeersukkut kingullermik allanngortinneqartukkut.

Inatsisit uani takuneqarsinnaapput www.inatsisit.gl

Kikkut akileraartussaataappat

Inuit Kalaallit Nunaannut tamakkiisumik akileraartussaataasut inuunermut sillimmasiisutinit soraarnerussutisiaqarnissamullu aaqqissuussinernit nunani allaniittunit, Danmarkimiittunit Savalimmiuniittunilluunniit iluanaarutit ilaasa akileraarutaannik akiliisussaataappat.

Iluanaarutinit akileraarut

Ukiumi aningaasarsiorfiusumi (qaammatisiutit malillugit ukiumi) aaqqissuussinermi iluanaarutit akileraarutaat 15,3%-iusoq landskarsimut akilerneqassaaq.

Pissarsiassaagaluq annaasangorsimappat taanna aaqqissuussinermi tassannga ukiumi tulliuuttuni qulini iluanaarutinit ilanngaatigineqarsinnaavoq.

Iluanaarutit akileraaruserneqartussat tassaapput aaqqissuussinerep ukiup aningaasarsiorfiusup naanerani aningaasatigut nalingata, ukiup ingerlanerani tunniunneqartunik ilasap, aaqqissuussinerep ukiup aningaasarsiorfiusup allartinnerani aningaasatigut nalingata, ukiup ingerlanerani akilerneqartunik ilasap nakingassutaat.

Aammali Soraarnerussutisiaqalernissamut aningaasaatit ilaannit pissarsiat akileraaruserneqartarnerat pillugu Inatsisartut inatsisaanni § 3 naapertorlugu naatsorsuinissaq toqqarneqarsinnaavoq. Naatsorsueriaaseq toqqarneqartooq matuma kingorna atornerneqartartussanngussaaq.

Naammineerluni nalunaarutiginninneq aamma akiliineq

Pigisanit pissarsiat nammineerluni nalunaarsuiffimmi, ukiup tulliani kingusinnerpaamik 1. maj nassiunneqartussami allanneqassapput, iluanaarutinillu akileraarutaagallartumik akiliineq kingusinnerpaamik pissalluni nammineerluni nalunaarsuiffiup nassiunneqarnerata ilutigisaanik. Akiliutigineqartut aningaasat soraarnerussutisiaqarnissamut

aaqqissuussinermi tiguneqartut atorlugit akilernerqarsimanersut akilernerqarsimannginnersulluunniit nammineerluni nalunaarsuiffimmi nalunaarneqassaaq.

Akileraarutaagallartoq uunga akilernerqassaaq reg.nr. 6471 kontu 0001508196. Akiliinermi nalunaarneqassapput inuup normua aamma KASxxxx, tassani x-it ukiup aningaasarsiorfiusup ukiuanik taarserneqassallutik.

Pigisanit pissarsiat akileraarutaannik nunami allami, Danmarkimi Savalimmiuniluunniit akiliisimagaanni taakku akileraarutissanit ilanngaatigineqarsinnaapput. Taamaassappat aningaasat akileraarummik akiliinermut atorneqartut soraarnerussutisiaqarnissamut aaqqissuussinermi tiguneqarsimanersut tiguneqarsimannginnersulluunniit nalunaarneqassaaq, uppersaatissaalu Akileraartarnermut Aqutsisoqarfimmut nassiu-neqassalluni.

Pigisanit pissarsiat akileraarutaat Akileraartarnermut Aqutsisoqarfiup inaarutaasumik naatsorsussavaa, akileraarullu minnaarlugu akilernerqarsimappat akiligassiissutigineqassaaq 1. september akilernerqartussanngorlugi, piffissaagallartillugulu akiliiffissaq kingulleq tassaassalluni 20. september. Akileraarut annaarlugu akilernerqarsimappat utertinneqassaaq, akileraarutillu qanoq akilernerqarsimanagera apeqquaatillugu aningaasat soraarnerussutisiaqarnissamut aaqqissuussinermut imaluunniit kontumut, nammineerluni nalunaarsuiffimmi nalunaarneqarsimasumut nuunneqassalluni.

Soraarnerussutisiaqalernissamut aningaasaateqarfiit Akileraartarnermut Qullersaqarfimmut isumaqatigiissuteqarsinnaapput.

Soraarnerussutisiaqalernissamut aningaasaateqarfiit Akileraartarnermut Qullersaqarfimmut isumaqatigiissuteqarsimappat pigisanit pissarsianit iluanaarutit akileraarutissaata akilernerqarnissaannut qanoq iliuuseqassanngilatit.

Soraarnerussutisiaqalernissamut aningaasaateqarfiit Akileraartarnermut Qullersaqarfimmut isumaqatigiissuteqarsimasut.

PFA Pension, Forsikringaktieselskab

PensionDanmark, 2021-imiit

Topdanmark, sullitat ilaannut, 2021-imiit

Danica Pension, 2022-imiit